

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

GAZTERIAREN FORU ERAKUNDEA

Haurren eta Gazteen Aisialdiko Hezitzaileak Prestatzeko Eskoletarako 2022. urteko deia

Foru Gobernu Kontseiluaren abenduaren 28ko 57/2021 Foru Dekretuaren bidez, onetsi ziren Gazteriaren Foru Erakundeak norgehiagoka bidez ematen dituen dirulaguntzen oinarri arautzaile orokorrak.

Haurren eta Gazteen Aisialdiko Hezitzaileak Prestatzeko Eskoletarako Gazteei aisialdirako zuzendutako deialdi hau, Gazteriaren Foru Erakundearen Administrazio Kontseiluak 2022ko otsailaren 15eko bileran onartutakoa, aipatutako oinarri arautzaile orokorreari eta ondoko ataletan ezarritakoari lotuko zaie.

1. Deialdiaren xedea

Deialdiaren xedea da dirulaguntzak ematea lehiaketa bidez. Dirulaguntzak ematearekin lortu nahi dena da haurren eta gazteen aisialdiko prestakuntza eskolei laguntzea, haurrekin eta gazteekin aisialdian dabiltzan pertsonentzako prestakuntza ikastaroak eman ditzaten.

2. Erakunde onuraduna

- Haurren eta gazteen aisialdiko eskolak, baldin eta sozietatearen egoitza edo ordezkaritza Araban edo Trebiñuko Konderrian badaukate, Araban ofizialki onartuta badaude eta lurralde honetan ematen badituzte ikastaroak.

- Haurren eta gazteen aisialdiko eskolak, baldin eta beste lurralde batean ofizialki onartuta egon arren, ikastaroak Araban onartu badizkiete.

Eskolek honako baldintza hauek bete beharko dituzte: haurren eta gazteen aisialdiko hezitzaileen prestakuntza eskolak nola aitortu arautzen dituen Eusko Jaurlaritzaren Kultura Sailaren azaroaren 2ko 419/1994 Dekretuan ezarritakoak, eta dekretu horren I. eta II. eranskinak eguneratzen dituen 2016ko urriaren 27ko Aginduan ezarritakoak.

Baztertutako erakundeak:

Gazteriaren Foru Erakundeak ematen dituen dirulaguntzak arautzen dituzten oinarri orokorretako hirugarren klausulan jasotako baldintzak betetzen ez dituzten erakundeak baztertu egingo dira.

3. Diruz lagundu daitezkeen programak eta gastuak

3.1. Ikastaro hauek antolatu eta ematea diruz lagundu ahalko da:

1. Aisialdiko hezkuntza jardueren begiraleentzako ikastaroak.

2. Aisialdiko hezkuntza jardueren zuzendarientzako ikastaroak.

Diruz lagundutako ikastaroak 2021-2022 ikasturtean (2021eko irailean hasi eta 2022ko abuztuaren 31n amaitu) eman behar dira, eta behar besteko aurrerapenarekin eman behar da haien berri, lehen aipatutako 419/1994 Dekretuarekin bat etorriz eta, edonola ere, dirulaguntza eskatu baino hamabost egun natural lehenago.

Arabian onartutako eskolei begirale, begirale edo zuzendari eta zuzendari izateko hiru ikastaro, gehienez ere, diruz lagunduko zaizkie. Salbuespenez beste ikastaro bat gehiago diruz lagundu ahalko da, baldin eta Gasteiz ez den Arabako edozein herritan egiten bada. Lehen aipatutako ikastaroetatik gehienez ere bi izango dira trinkoak, honako hauek ulertuko direlarik ikastaro trinkotzat: prestakuntza teoriko-praktikoko gaiak sei eta zortzi ordu bitarteko moduluetan ematen direnak.

Beste lurralde batean onartutako eta ikastaroak Araban emateko baimena daukaten eskolei begirale, begirale edo zuzendari eta zuzendari izateko bi ikastaro, gehienez ere, diruz lagunduko zaizkie.

3.2. Gastu hauek ez dira diruz lagunduko, salbu eta dirulaguntza emateko ebazpenak kontrakoa adierazten badu:

a) Inbertsio gastuak, salbu eta ikastaroak egiteko beharrezkoa den material ez-suntsikorra eskuratzekoak, zeinak gehienez ere 2.500 euroekin diruz lagunduko baitira.

b) Ondasun higiezinak eskuratu, konpondu eta zaharberritzeko gastuak.

c) Zeharkako zergak, baldin eta berreskuratu edo konpentsatu badaitezke (BEZaren kuota kengarria).

d) Eskola-orduetan burutzen diren ikastaroak.

4. Eskaerak aurkeztea

4.1. Eskaerak hogeit hamar egun naturaleko epean aurkeztu beharko dira, deialdi hau ALHAOn argitaratu eta hurrengo egunetik kontatzen hasita. Eskaerak bitarteko elektronikoen bidez aurkeztu behar dira Arabako Foru Aldundiaren egoitza elektronikoa (<https://e-s.araba.eus>); horretarako, eskatzaileek sartzeko ziurtagiri digitala izan beharko dute aldez aurretik. Egoitza elektronikora sartzeko bideak zeintzuk diren eta entitate egiaztatzaile batek jaulkitako egiaztagiria elektronikoa non eskatu behar den jakiteko, jo atal honetara: EZAGUTU EGOITZA-Nola sartu.

4.2. Erakunde eskatzaileak Arabako Foru Aldundiaren egoitza elektronikoa dagoen inprimakian eskatzen den informazioa bete beharko du, eta horrez gain, agiri hauek aurkeztu beharko ditu:

a) Administrazio agiriak:

1. Haurren eta gazteen aisialdiko prestakuntza eskola gisa onartu izanaren fotokopia. Gazteriaren Foru Erakundearen hura lehenago aurkeztu duten erakundeek ez dute zertan berriro aurkeztu, salbu eta aldaketaren bat egin badute eskaera aurkeztu zen datatik aurrera.

2. BEZaren salbuespenaren ziurtagiria, zerga administrazio eskudunak emana (baldin eta aldez aurretik aurkeztu ez bada) edo erakundeko presidentearen kargua doakoa delako adierazpena.

3. Erantzukizun zibileko aseguruaren ordainagiriaren fotokopia, indarrean, eta polizaren fotokopia, behin bakarrik, baldintzetan edozein aldaketa egin arte.

b) Berriazko agiriak:

1. Emango diren ikastaroen zerrenda, zeinen berri aldez aurretik eman behar baita:

– Helburuak.

– Plangintza eta garapena.

– Zein herritan emango diren.

– Zein hizkuntzatan emango diren.

– Genero ikuspegia txertatzea ikastaroetan.

– Parte hartzaileen kopurua.

2. Ikastaro bakoitza egiteko aurreikusitako gastuen eta diru sarreraren aurrekontu xehatua, azalduz beste erakunde edo entitate publiko edo pribatuei egindako laguntza eskaerak eta entitatearen beraren ekarpenak.

3. Soldatapeko langileen zerrenda, zehaztuz zein lanpostu betetzen duten, zer ordutegi daukaten, kontratuaren data zein diren, zer arduraldi daukaten eta horrek zer kostu daukan.

4. Sozietatearen egoitza Araban ez daukaten erakundeek egoera hori egiaztatzen duen agiria aurkeztu beharko dute (behin bakarrik aurkeztuko da, harrez geroztik aldaketarik egin ez bada), baita kasuan kasuko zerga ogasunarekin dauzkaten zerga betebeharrak beteta dauzkatela egiaztatzen duen agiria ere.

Eskatzaileak soldatapeko langilerik badu, bere zerga betebeharrak eta Gizarte Segurantzarekikoak egunean dituela eta Dirulaguntzei buruzko azaroaren 17ko 38/2003 Lege Orokorrak 13.2 artikuluan jasotako debekuren batek eragiten ez diola egiaztatu beharko du. Horretarako, gai horietan eskumena duten erakundeek egiaztagiria aurkeztuko ditu. Dirulaguntza 800 euro baino gutxiagokoa bada, ordea, ez ditu aipatutakoak egiaztatu beharko, 58/2004 Foru Dekretuak xedatutakoarekin bat etorritik. Zerga betebeharre dagokienez, nahikoa izango da egunean dituela adieraztea, eta Foru Aldundiaren zeregina izango da hori egiaztatzea, Foru Ogasunari dagokion agiria eskatuz.

Dirulaguntzak eskuratzeko eskaerak aurkezteak esan nahi du oinarri orokorretan eta deialdi honetan ezarritakoa formalki eta berariaz onartzen dela.

5. Aurrekontua izatea eta dirulaguntzaren zenbatekoa

Helburu horretara bideratu den zuzkidura berrogei mila euroko (40.000,00) dotazioarekin, Gazteriaren Foru Erakundearen 2022ko gastu aurrekontuko 71100. G/232751/48100750 partidari egotziko zaio.

Zenbateko gehigarria erantsi ahalko zaio deialdiari, betiere hamar mila euro baino gutxiago, baldin eta aurrekontu kreditua badago. Gehieneko zenbatekoa handitzeko ebazpena ALHAOn argitaratuko da; hala ere, argitaratzeak ez du esan nahi epea zabaltzen denik eskaera berriak aurkezteko ezta epe berri bat ere ebazpena emateko.

Aurrekontuko zuzkidura hori oinarri hartuta, azkenean emango den dirulaguntzaren zenbatekoa zehaztuko da, eta zehaztu ere ondoko irizpideen arabera egingo da:

a) Horretarako eman den aurrekontuaren ehuneko 20 kopuru berdinetan banatuko da dirulaguntza eskatu duten lurraldeko onartutako ikastetxeen artean.

Gainerakotik:

b) Ehuneko 70 Araban onartutako eskolen artean banatuko da eta ehuneko 30, beste lurralde batean onartuta egonik, Araban ikastaroak antolatzen dituztenen artean. Batzuen zein besteen artean banatu, ondoko baremoari jarraiki eskola eskatzaileek batzen dituzten puntuen arabera banatuko:

1. Aisialdiko begirale ikastaroa 150 ordu: 3 puntu.

Ikastaroa euskaraz bada: 4 puntu.

Moduluen kasuan, honako puntu hauek emango dira:

		Gaztelaniaz	Euskaraz
• Aisialdian hezteko jarduerak	60 ordu	1,2 puntu	1,60 puntu
• Talde eta hezkuntza prozesuak	30 ordu	0,6 puntu	0,80 puntu
• Animazio teknikak eta baliabideak	60 ordu	1,2 puntu	1,60 puntu

2. Aisialdiko zuzendari ikastaroa 290 ordu: 6 puntu.

Ikastaroa euskaraz bada: 8 puntu.

Moduluen kasuan, honako puntu hauek emango dira:

		Gaztelaniaz	Euskaraz
• Talde eta hezkuntza prozesuak	30 ordu	0,6 puntu	0,80 puntu
• Animazio teknikak eta baliabideak	60 ordu	1,2 puntu	1,60 puntu
• Plangintza	120 ordu	2,5 puntu	3,30 puntu
• Koordinazioa eta dinamizazioa	80 ordu	1,7 puntu	2,30 puntu

Puntuazioaren araberako banaketa sistema bat ezarriko da, eta horretarako, aurrekontu zuzkitura zatitu egingo da puntuazio baremoa aplikatzearen bidez erakunde eskatzaile guztiek lortutako puntu guztien artean, eta horrek emango digu puntuaren balioa. Laguntzaren zenbatekoa kalkulatzeko, puntuaren balioa eta eskaera bakoitzaren puntu kopurua biderkatu behar dira, baldin eta zenbateko hori eta gainerako diru sarrerak gehitzearen emaitzak jardueraren gastua gainditzen ez badu.

Aurrekontuko zuzkidura agortzeko behar den beste banaketa egingo da.

c) Dirulaguntzaren zenbatekoa ez da izango eskaeran edo memorian aurkezten den diruz lagundu daitekeen aurrekontuaren ehuneko 65 baino handiagoa.

d) Ez dute dirulaguntzarik jasoko, behin baloratu ondoren, 500 eurora iristen ez diren eskaerak.

6. Balorazio Batzordea eta ebazpena

1. Balorazio Batzordeak aztertuko ditu eskaerak. Batzorde hori ondokoek eratuko dute:

- Idazkaritza Teknikoko burua edo hark eskuordetutako pertsona.
- Zerbitzu Orokorretako teknikaria edo hark eskuordetutako pertsona.
- Gazteriako teknikaria edo hark eskuordetutako pertsona.

2. Aurkeztutako eskaerak deialdian ezarritako irizpideen arabera erkatu ondoren, Balorazio Batzordeak dirulaguntza emateko proposamen txostena egingo du.

3. Ez da entzunaldiko izapiderik egingo, izan ere, ebazpena emateko eskatzaileak aurkeztutako gertaerak eta agiriak baino ez dira aintzat hartuko

4. Gazteriaren Foru Erakundearen gastuak baimendu, xedatu eta agintzeko eskumena duen organoak, Gazteriaren Foru Erakunde Autonomoaren Egiturari eta Funtzionamenduari buruzko Arautegia aldatzen duen ekainaren 8ko Diputatuaren Kontseiluaren 26/2010 Foru Dekretuaren 16. artikuluan ezarritakoa betez, eskaera onartzeko edo ukatzeko ebazpena emango du bost hilabetezko gehienezko epean, eskaerak aurkezteko epea bukatu ondorengo egunetik kontatzen hasita.

5. Dirulaguntza eman ala ukatu den jakinaraziko zaie erakunde eskatzaileei eskaeran adierazitako helbidean, Administrazio Publikoen Administrazio Prozedura erkidearen Legeak 42. artikuluan xedatzen den eran.

6. Ebazpenak ez du administrazio bidea amaituko eta horren aurka errekurtsoa jarri ahal izango zaio Gazteriaren Foru Erakundeko Administrazio Kontseiluari, jakinarazpena jaso eta hurrengo egunetik aurrera, hilabetezko epean.

7. Dirulaguntza ordaintzea

Dirulaguntza bi zatitan ordainduko da:

Ehuneko 70, dirulaguntza ematean, eta gainerako ehuneko 30, deialdian ezarritakoa betetzen duen txostena aurkeztu eta gero. Justifikazio memoria aurkeztu ezean, aurreratutako zenbatekoa itzuliko da urriaren 19ko 11/2016, Arabako Lurralde Historikoaren Dirulaguntzei buruzko Foru Arauak xedatzen den eran.

Dirulaguntzak 20.000 euro baino gehiago egiten baditu, Ogasun, Finantza eta Aurrekontu Saileko Idazkaritza Teknikoaren aldeko txostena nahitaezkoa izango da.

8. Dirulaguntza justifikatzea

8.1 Dirulaguntza jasotzen duten erakundeek 2022ko irailaren 23ra arteko epea izango dute egoitza elektronikoaren bidez aurkezteko deialdiaren bidez diruz lagundutako jardueren amaierako memoria. Hona hemen dokumentu horrek zer jaso beharko duen gutxienez:

a) Egindako ikastaroak: zehaztu datak, parte hartzaileak eta tokia, eta egin haien balioespen orokor bat.

b) Ekonomia laburpena:

1. Gastuen zerrenda.

2. Gastuen eta diru sarreren balantzea (egondako gastuak eta diru sarrerak deskribatuta).

3. Diruz lagundutako eskolaren izenean eman diren jatorrizko fakturak edo ordainagiriak, ikastaroak egiteak sortutako gastuengatik jasotako zenbateko osoa adierazita.

- Aitzitik, 200 euro baino gehiagoko fakturak aurkeztuz gero, ordaindu egin direla egiaztatu beharko da.

- 200 euro baino gutxiagoko fakturretan, datu hauek jasoko dituen gastuen justifikazio erraztu bat egin beharko da: data, hornitzailea, kontzeptua eta zenbatekoa

Gazteriaren Foru Erakundeak laginketa bidez eskatu eta egiaztatuko ditu egoki irizten dituen frogagiriak, nahitaez aurkeztu behar ez direnak; horretarako, hautatutako gastuak bidaltzeko eskatu ahal izango da.

Era berean, ez dira onartuko ordain frogagiri gisa Pertsona Fisikoen Errentaren gaineko Zer-garen konturako atxikipenen arloan zerga araudia betetzen ez duten faktura eta ordainagiriak.

Ez da onartuko eskudirutan ordaintzea 2022rako indarrean dagoen araudian ezarritako zen-batekoa edo hortik gorakoa (edo horren kontrabaliao atzerriko dirutan). Lehenago adierazitako zenbatekoa kalkulatzeko, ondasun ematea edo zerbitzu egitea zatika egin bada, batu egingo dira hirugarren berarentzat egindako eragiketa edo ordainketa guztien zenbatekoak.

Erakundeak aurkeztutako fakturen edo ordainagiriaren jatorrizko agiriak eskatuz gero, zigilu marka jarriko zaie, eta bertan dirulaguntza, zeina justifikatzeko aurkeztu diren, agertu beharko da, baita egiaztagiriaren zenbatekoa dirulaguntza osoari edo zati bati egozten zaion ere.

Azken kasu horretan, dirulaguntza xede den zatiaren zenbateko zehatza ere adieraziko da.

Jarduera egiten den aldian indarrean egongo den erantzukizun zibileko aseguruaren ordai-nagiriaren fotokopia

Diruz lagundu ahal izango da gizarte izaera duten erakunde edo elkarteek eskainitako zerbitzuengatik bere gain hartutako BEZa, izaera hori aitortuta izan ala ez, baldin eta egoera bakoitzean aplikagarri diren baldintzak betetzen badituzte (BEZaren Foru Arauaren 20 hiru arti-kulua, arau horren 20 bat artikulua 8. idatz zatian jasotako zerga salbuespena aplikatzearen ondorioetarako).

4. Langile gastuen justifikazioa:

Soldatapeko langileak edota profesionalak kontratatzeak eragiten dituen gastuen justifika-zioa eta ordainagiriak nahitaez aurkeztu behar dira.

Soldatapeko langileen lan egoera zehaztu beharko da, honako hau jasotzen duen taula batean: langileak, arduraldia, hilabetea, soldata likidoa, PFEZaren atxikipena, langileek Gizarte Segurantzari emandako zenbatekoa, enpresak Gizarte Segurantzari emandako zenbatekoa, eta guztirakoa.

Halaber, erakundeak kontratatutako pertsonen jatorrizko nominak edo fotokopia konpul-tsatuak, aurkeztu beharko dira beti, egon diren aldikoak hain zuzen ere. Horien ordainagiri gisa honako hauek onartuko dira:

- Jatorrizko nominak, langileak sinatuta.

- Langileak izenpetutako jatorrizko idazkia, non agertuko baita langileak kobratu egin duela eta kobratutakoa zein hilabetekoa den.

- Nominen ordainketa multzokatuaren jatorrizko banku laburpena eta horrekin batera, enpresa/erakunde onuradunaren ziurtagiria, langileen nominak transferentzia horren kontra ordaindu direla zehazten duena eta langile bakoitzari aurkeztutako hilabete bakoitzeko zein kopuru dagokion adierazten duena.

Horrez gain, aurkeztu beharko dira nahitaez Gizarte Segurantzaren TC1 edo kotizazioen likidazioaren ordainagiria eta TC2 edo langileen zerrenda ereduak, eta dagozkien kotizazioak ordaindu izana frogatzen duten ereduak.

Elkarteek eta erakundeek baimena berariaz emanez gero, ez dira zertan aurkeztu hiru hilez behin aurkeztu beharreko eta jada aurkeztutako 110 ereduak, Pertsona Fisikoen Errentaren gaineko Zergaren gaineko atxikipenak eta konturako diru sarrerak eta haien ordainagiriak, ez eta 190 ereduak, atxikipenen eta konturako diru sarreraren urteko laburpena ere.

8.2. Halaber, dirulaguntza eman duen ebazpenak xedatutako beste edozein agiri aurkeztu beharko da.

9. Dirulaguntzen bateraezintasuna

Arabako Lurralde Historikoaren Dirulaguntzei buruzko urriaren 19ko 11/2016 Foru Araua-ren 18. artikuluan ezarritakoaren arabera, dirulaguntzen zenbatekoa, bera bakarrik edo beste dirulaguntza, laguntza, diru sarrera edo baliabide batzuekin batera, ezingo da izan inola ere dirulaguntza jasotzen duen jardueraren kostua baino gehiago.

Dirulaguntza emateko kontuan hartu diren baldintzak aldatzen badira, eta, betiere, araudian baimendutako kasuetatik kanpo dauden beste ekarpen batzuk aldi berean jasotzen badira, dirulaguntza emateko ebazpena aldatu ahal izango da, dirulaguntzaren araudian ezartzen denari jarraituz.

10. Publizitatea

Deialdi hau ALHAOn argitaratuko da.

Vitoria-Gasteiz, 2022ko otsailaren 15a

Gazteriaren Foru Erakundeko zuzendari kudeatzailea
ANA ROSA LÓPEZ DE URALDE GÓMEZ